



Učenici su pripremili bogat program

Granate uništile školu, ali ne i srce

OŠ "Ćamil Sijarić" je obnovljena 1996. zahvaljujući učiteljima i nastavnicima iz Malezije

U "OŠ Ćamil Sijarić" obilježena je 21. godišnjica obnove u ratu srušene škole.

- Škola je obnovljena 1996. zahvaljujući učiteljima i nastavnicima prijateljske Malezije, rekla nam je Aleksandra Junuzović, nastavnica matematike u OŠ "Ćamil Sijarić".

OŠ "Ćamil Sijarić" je počela sa radom 1989. i njen prvobitni naziv je bio "Nikola Tesla". Te godine škola je brojala 1.530 učenika i 73 zaposlena.

- Od 1992. do 1995. uništeno je sve materijalno, ali negdje u tom zgaristu ostalo je srce, tako da se nastava odvijala u haustorima zgrada na 18 punktova. Danas školu pohađa 870 učenika raspoređenih u 36 odjeljenja, dodala je Junuzović.

Ove godine godišnjica obnove škole je obilježena igrama i druženjem bez granica. Učestvovali su učenici od drugog do devetog razreda. Sve je popraćeno ovacijama i navijanjem publike u kojoj su bili učenici, nastavnici i roditelji.

E. Z. B.